

ՀԵՍՆ ԳԱ ՊԱՏՄՈՒԹՅԱՆ ԻՆՍՏԻՏՈՒՏԻ ԳԻՏԱԿԱՆ ԽՈՐՀՐԴԻ ԸՆԴՀԱՅՆՎԱԾ ՆԻՍՏԸ

Պատմության ինստիտուտի գիտական խորհրդի տարեկան ընդլայնված նիստը (1989 թ. դեկտեմբերի 26) առանձնացավ իր նորոգի բովանդակությամբ։ Նիստում պատմաբանները հանդես եկան գիտահետազոտական ավարտված աշխատանքների արդյունքներն ամփոփող զեկուցումներով։ Միշտ ընդունվեց միանգամայն արդարացի իրեն և ավանդական դառնալու հայտ առաջադրեց, քանի որ նրանում ցուցադրվեցին գիտականների լուրջ հետազոտությունների, մեթոդաբանական ճիշտ մոտեցումների, թարմ և հիմնավոր հարցադրումների արդյունքները, որոնք կարելի է գնահատել որպես պատմագիտության բնագավառում իրագործվող վերակառուցման անդրաձայնիկ պտուղներ։ Դառնալով ավանդական, այդպիսի հանրագումարային նիստերը կօգնեն գիտական կոնկրետի մշտական գիտահետազոտական աշխատանքների հետագա ուղղությունները, ուշադրության առնելու բացթողումները, կատարելու ուժերի ճիշտ հաշվառում և տարի առ տարի հաղթահարելու պատմության սպիտակ բծերը, անհատի պաշտամունքի և լնացման տարիների այդ տխուր և ամոթալի մահանգությունը։

Մեծ հետաքրքրություն առաջացրին հայ ժողովրդի նազույց շրջանի պատմությանն առնչվող զեկուցումները։ Պատմական գիտությունների թեկնածու Հ. Մ. Ավետիսյանի զեկուցումը նվիրված էր Հայկական լեռնաշխարհի հարավային սահմանամերձ շրջաններում մ. թ. ա. հ. հ. III—V դդ. կազմավորված քաղաքական միավորումների պատմությանը։ Զեկուցողը ցույց է տալիս, որ խուրրիական Միտանի-Խանիզալաթ թագավորության (մ. թ. ա. XV—XIII դդ.) անկումից հետո, Հայկական լեռնաշխարհի հարավային սահմանամերձ շրջաններում ստեղծվում են արամեական անկախ իշխանություններ։ Քննարկելով արամեական ցեղերի առաջացման և տարածման հարցը, նա նշում է, որ ընայած արամեացիներին անվանը ձևով նման տերմիններ են հանդիպում դեռևս մ. թ. ա. III հազարամյակի արձանագրություններում, սակայն դրանք բովանդակությամբ իբրև չկրկնող և արամեացիների հետ կապ չունեցող տերմիններ են։ Արամեական ցեղերը առաջին անգամ հիշատակվում են մ. թ. ա. XII դ. կեսերին Բաբելոնից դեպի արևմուտք ընկած շրջաններում,

սկզբից «Ախլամու», իսկ այնուհետև նաև «Արուամու», «Արիվա» կամ «Արամու», «Արամա» անվամբ։ Արամեական ցեղերը աստիճանաբար հարավից շարժվում են դեպի Հյուսիսային Սիրիա, միանալով սեմական այլ ցեղերի։ Մ. թ. ա. XIV դ. վերջում Կադմուսի երկրորդ, ուսպա Միտանի թագավորությունը, Ասուրեսանի դեմ պայքարելու նպատակով, դիմում են արամեական ցեղերի ռազմական օգնությանը։ Այս հանգամանքը, նշում է զեկուցողը, հնարավորություն տվեց արամեական թուլոր ցեղերին տարածվելու Հյուսիսային Միջագետքում և այնուհետև Հայկական լեռնաշխարհի հարավային շրջաններում։

Հ. Ավետիսյանը նշում է, որ դեռևս XI դ. սկզբին Հայկական լեռնաշխարհում հիշատակվում են արամեական ռազմական ռազմարներ։ Գոյություն ունեն լեռնաշխարհի և սեմական-արամեական ցեղերի, ինչպես նաև հնդկությունների մուշքերի, կասկերի, ուրումեացիների համատեղ ապրելու և Ասուրեսանի դեմ միասնական ուժերով պայքարելու փաստերը։ Հանգամանքներն անդրադառնալով լեռնաշխարհի հարավային սահմանամերձ շրջաններում ստեղծված քաղաքական միավորումների պատմությանը, զեկուցողը նշում է, որ արամեական ցեղերը անցնելով նստակյաց կյանքի աստիճանաբար այստեղ ստեղծվում են մի շարք իշխանություններ՝ Թեմանյան կամ Խանիզալաթայան, Բիթ-Բախանի, Բիթ-Խալուպի, Բիթ-Ադինի, Բիթ-Ջամանի և այլն։ Նա ներկայացնում է նաև շրջանի իշխանությունների՝ Ասուրեսանի դեմ շուրջ երեք դար տևած պայքարի վրա, ցույց տալով, որ այդ համառ ու երկարատև պայքարը անուղղակիորեն կասեցրեց ասուրեստանցիների ներթափանցումը Հայկական լեռնաշխարհի խորքը և դրանով համեմատաբար խաղաղ պայմաններ ստեղծեց լեռնաշխարհի ցեղերի, քաղաքական միավորումների զարգացման ու կազմավորման համար։

Պատմական գիտությունների թեկնածու Վ. Խաչատրյանի զեկուցումը վերաբերում էր Հայաստանի երկրի տեղագրության և էթնոսի հարցերին։ Տեղագրական նոր փաստերի հիման վրա հետազոտողը ձգտեց ցույց տալ Հայաստանի երկրի ընդգրկած տարածքը։ Հայաստանի Ազի նահանգը, որը խեթական սեպագիրը աղբյուր-

ներու: Հանդես է դալիս Հայաստանում, ընդգրկել է Ճորոխ գետի ավազանը: Դա հաստատվում է նրանով, որ Աղիի Ինգալավա քաղաքը տեղադրվում է անունով նույնանում է Ճորոխի ստորին հոսանքի ավազանի նիզալ գավառի հետ (Ինգալ գրափոխված ձևին խեթերը ավելացրել են իրենց լեզվի-ավա ածանցը): Աղիի Ուրա քաղաքը տեղադրվում է նույնանում է Բարեղի շրջանի հայկական Ուոն բնակավայրի հետ: Աղի տեղիները պահպանվել է հայկական Ազոդ գավառի անվան մեջ և այլն:

Բարձր երկիրը համընկնում է Բարձր Հայքի հետ, որը հաստատվում է այդ երկրի Արժիյա, Կանովարա, Բիթեյարիդա, Կովախա և Խախա բնակավայրերի տեղադրությամբ, որոնք նույնական են սիշնաղարի հայկական համապատասխան Արծն, Կան, Բթայադի, Կամախ և Խախ տեղանունների հետ:

Պախովա նահանգը տեղադրվում է պատմական Հայաստանի Մեծուր և Խորձանք գավառների տեղում և անունով նույնացված է ոչ ժամանակների Պախ (հայկական Պահ-Արկան) բնակավայրի հետ: Նրա Արխիտա քաղաքի անվանումը Խորձանքի սահմանագլխի պատմական Հայաստանի Երեգ բնակավայրի անվան խեթերեն թարգմանությունն է:

Սուխմա նահանգն ընդգրկել է Բյուրակն լեռները և նրան հարակից շրջանները: Անունով այն նույնանում է նշված լեռների շրջանի Սխանիստ հայկական տեղանվան հետ (-մա-ն խեթերեն ածանց է):

Ինսովա նահանգը՝ անտիկ աղբյուրների Մոֆենեն, հայկական Սոփեն է: Նշված նահանգները խեթական սեպագիր աղբյուրներում ներկայացված են որպես Հայաստ երկիր, որի էթնոսո խեթերը որոշակի դանդաղեցել են ինչպես խուրեհականից, այնպես էլ խեթականից: Հայաստայի տեղանունների վերլուծությունը ցույց է տալիս, որ այդ երկրի էթնոսը հայկական է:

Բանասիրական գրությունների թեկնածու Մ. Մխիթարյանը դիտական խորհրդին ներկայացրեց արևելահայ մամուլի սկզբնավորման պատմությունն ընդգրկող իր հետազոտության արդյունքները: Նա բնութագրեց Վերելլան ծանուցմունք (Աստրախան, 1816), Վեպկասա (Թիֆլիս, 1846—1847) և Վերարատա (Թիֆլիս, 1850—1851) շաբաթաթերթերը, վեր հանեց նրանց դերը անցյալ դարի 40—50-ական թթ. հայ լուսավորական շարժման մեջ: Զեկուցողը միաժամանակ անդրադարձավ Լազարյան ճեմարանի և Ներսիսյան դպրոցի կրթամշակութային օջախների գործունեությանը հայ մտավորականության նոր սերնդի դաս-

տիարակության գործում, որը հետագայում, ի թիվս այլ բնագավառների, համալրեց հայ լուսագրողների շարքերը: Այնուհետև Մ. Մխիթարյանը ներկայացրեց Ս. Նազարյանցի և Մ. Նալբանդյանի նախաշուխափայլյան փուլի գործունեությունը և պարզաբանեց 1860-ական թթ. գաղափարական մեծ բանավեճի ակունքները:

Անցյալ դարի 70—80-ական թթ. հայ հասարակական հոսանքների գաղափարական պայքարում Գրիգոր Արծրունու և նրա «Մշակի» դերի բացահայտման էր նվիրված պատմական գիտությունների թեկնածու Ն. Գևորգյանի զեկուցումը: Նա նշեց, որ «Մշակի» հրատարակումը շրջադարձային երևույթ էր հայ մամուլի պատմության մեջ, որը սրեց և բևեռացրեց գաղափարական պայքարը, առաջադրելով բուրժուական բարեփոխումների իր ծրագրերը և կոչվ հայտարարելով իր դարն ապրած հին հաստատություններին ու մտածողությանը Տեղի էր ունեցել ուժերի հետաքրքիր զորահավաք: «Մշակի» գաղափարական ճակատում դիտարկելի է լիբերալ և դեմոկրատ գործիչների ժամանակավոր դաշինքի պատմական իրողությունը, որն իր ցայտուն արտահայտությունն է դսել Արծրունի-Բաֆֆի փոխհարաբերություններում: Բաֆֆու հրապարակախոսությունը «Մշակում» հատկանշում է ոչ միայն թերթի, այլև ժամանակի առաջադիմական գաղափարախոսության բարձրակետը, որը հասավ մինչև հեղափոխական-դեմոկրատական հայացություն: Տասնչորս տարվա բեղմնավոր աշխատակցությունից հետո Բաֆֆու «Մշակից» հեռանալու փառսի մեջ մամուլի պատմության ուսումնասիրողը տեսնում է հասարակական հոսանքների պատմական դարդացման օրինաչափության դրսևորում:

Լիբերալ «Մշակի» և աղային-պահպանողական ուղղության «Մեղու Հայաստանի», «Փորձ» և «Արձագանք» պարբերականների տեղական և սուր բանավեճի դեկուցողը բնութագրում է որպես բուրժուական գաղափարախոսության երկու տարատեսակությունների պայքար, որը հակառակ երևութական անհաշտելիություն, ի վերջո հանգեցրել էր տեսականների մերձեցման: Կյանք մտնելով «Հյուսիսային» ամսագրի գլխավորական ռեդիկտ շարունակելու և նադարյանցի ու Նալբանդյանի գաղափարական ժառանգողը լինելու հայտով, «Մշակը» հակաֆեոդալական ուղղվածությունը ընտրեց որպես իր պարզած դրոշի հիմնական գույն, դարձավ քաղաքակրթության պատգամախոսը մեզանում: Աղային-պահպանողականները նախանձախնդիր էին անցյալի ժառանգությունը նորի մեջ ներառնելուն և դրանով ազգային դիմագիծը պահպանելուն: Որքան կարևոր էր նորը գտնելը, նույնքան կա-

րևոր էր արժեքավոր հինը լկորցնելը, ինչ անգիտանում էր «Մշակը», ազգային-պաշտպանողականների փափայլանքի առարկան էր: Այսպիսով, ևզրակացնում է զեկուցողը, արտահայտելով զարգացման երկու հակադրամիասնական կողմերը, հասանքների գոյությունը պատմականորեն արդարացված ու անխուսափելի էր, և նրանց պայքարը կազմում էր հասարակական զարգացման բովանդակությունը, առաջնորդ ուժը: Սակայն նրանք որքան էլ տարամիտվեին, ազգի բուրժուական զարթոնքը նրանց միասնական նպատակակետն էր, հաշտեցման հանդիպումը:

1920—1980 թթ. գյուղում կենսագործվող ագրարային քաղաքականության ուսումնասիրմանն էր նվիրված պատմական գիտությունների դոկտոր Գ. Գեղամյանի զեկուցումը: Անդրադառնալով նախախորհրդային Հայաստանի գյուղացիության ծանր վիճակին, նա նշեց, որ մաքառելով հանուն իր ֆիզիկական գոյության, գյուղացիությունը չէր կարող ակտիվ պայքար մղել խորհրդային կարգերի հաստատման համար: Գրականության մեջ մինչև այժմ այս հարցը սխալ է մեկնաբանված և հիմնավորված չէ գյուղացիության հեղափոխական պայքարի թեզը: Հայ գյուղացիությունը անկեղծորեն ողջունեց նոր հասարակարգի ծնունդը, նրա մեջ տեսնելով խաղաղ աշխատանքի, ազգային և սոցիալական վերածննդի հեռանկարները: Սակայն համաշխարհային հեղափոխության շուտափույթ հաղթանակի ուսուպիական ծրագրերը բացասական ազդեցություն ունեցան ինչպես Ռուսաստանի, այնպես էլ մեր հանրապետության աշխատավորության վրա: Այն հիմնականում արտահայտվեց ռազմական կոմունիզմի կենսագործման մեջ: Հայաստանի նորահայտ իշխանությունը, առանց հաշվի առնելու կոնկրետ պայմանները, մեխանիկորեն կիրառեց ռազմական կոմունիզմի քաղաքականությունը: Այս հարցի նորոգի ուսումնասիրությունը հնարավորություն կտա նոր տեսանկյունով մեկնաբանելու նաև քաղաքացիական կռիվների պատմությունը, քանի որ այս պրոբլեմները սերտորեն առնչվում են միմյանց:

1920-ական թվականներին գյուղում կենսագործվող նեպը (զեկուցողի կարծիքով՝ հարկադրված էին անցնելու այդ քաղաքականությունը), որոշակի հաղորդվումներ ձեռք բերվեցին տնտեսության վերականգնման, կոոպերացիայի արմատավորման և այլ բնագավառներում: Նեպով աշխուժացած տնտեսությունը ոչ մի վտանգ չէր ներկայացնում կապիտալիզմի վերականգնման համար. մանր արտագրությունը և սոցիալիզմը իրար բացառող կոնցեպցիաներ չեն, ընդհակառակը, հաղորդվում կարող են լրացնել միմյանց: Սակայն

Ստալինը շուտով հրաժարվեց նեպից և նորից կյանքի կոչեց ռազմական կոմունիզմի սկզբունքները՝ բռնությունն ու կամայականությունը: Համատարած կոլեկտիվացման ժամանակ գյուղի լավագույն աշխատավորի ոչնչացումը հանցագործություն էր գյուղացիության նկատմամբ: Դա գյուղացիության յուրահատուկ պայմաններով ճորտացման նոր քաղաքականություն էր, որի վնասակար հետևանքները դացվում են մինչև այսօր: Այս բարդ և հակասական պրոցեսը նույնպես հավուր պատշաճի չի ուսումնասիրվել: Ինչպես կուսակցության ագրարային քաղաքականությունն էր վերածվում առանձին կամպանիաների, այնպես էլ այդ քաղաքականության ուսումնասիրությունը: Այժմ, վերականգնման արդի փուլում ագրարային քաղաքականության հիմքում պետք է դնել հողը աշխատավոր գյուղացիությանը բաժանելու սկզբունքը: Երբ գյուղացին դառնա սեփականատեր, կվերանա նրա հյուսիս քամող բուրդը՝ սակի զեկավարների ու մասնագետների անհրաժեշտությունը, որոնք այժմ բոլոր միջոցներով խանգարում են արմատական միջոցառումների կենսագործմանը:

Խորհրդային պատմաբանները պետք է խոր և բազմակողմանի ուսումնասիրեն և նորոգի շարադրեն մեր հանրապետության գյուղի և գյուղացիության պատմությունը:

Պատմական գիտությունների թեկնածու Գ. Մախմուրյանի զեկուցեց «XX դ. սկզբի հայ մշակույթը արդի ամերիկյան պատմագրության մեջ» թեմայով: Նա ներկայացրեց Ռ. Միրակի, Ռ. Հովհաննիսյանի, Մ. Սարկիսյանի, Լ. Նալբանդյանի, Մ. Մաթոսյանի, Զ. Բարտոնի, Մ. Սեչերի, Զ. Դեվիսոնի և այլ մասնագետների մեծագրությունները: Բնութագրելով ամերիկյան արխիվային ֆոնդերը, նա առանձնացրեց ամերիկյան Ազգային արխիվը (վաշինգտոն), Հայաստանի հանրապետության արխիվը (Բոստոն), ինչպես նաև ամերիկյան միսիոներների խորհրդի 1900—1914 թթ. տարեկան զեկուցագրերը: Նշվեց, որ ամերիկյան պատմաբանները լայնորեն օգտագործում են խորհրդահայ մասնագետների հետազոտությունները:

Ջեկուցողը ընդգծեց, որ ամերիկյան մշակութաբանության մեջ առկա են մեթոդական յուրահատուկ մոտեցումներ: Եթե խորհրդային պատմագիտության մեջ մշակույթը ներկայացվում է որպես մեկուսացված գյուղության, գրականության, արվեստի կամ հասարակական մտքի նկարագրություն, ապա ամերիկյան գիտնականները աշխատում են մշակույթը դիտարկել որպես ազգային ֆենոմեն, որի կարևոր մասերն են ազգային ավանդույթը, մասսայական և էլիտար մշակույթները, Հետազոտության

սուրյնկտ է դառնում առանձին շարքային մար-
դր: Մշակույթի զարգացումը զենահատվում է
ոչ թե տաղանդների «հաշվառումով», այլ
քաղաքակրթության աստիճանը բնութագրող
վիճակագրական տվյալներով:

XX դ. սկզբի հայ մշակույթի ամերիկյան
հետադոտողները, մասնավորապես սփյուռքա-
հայ գիտնականները, առավել ուշադրություն
են դարձնում հետևյալ պրոբլեմներին. Արևմտ-
յան Հայաստանի մշակութային զարգացման
ընթացքը, ցեղասպանության կործանարար ազ-
դեցությունը նրա վրա, հայ եկեղեցու դերը
մշակույթի զարգացման գործում: Արևելյան
Հայաստանի մշակույթը նրանք ուսումնասիրում
են ուսական մշակույթի ազդեցության շրջա-

նակներում: Առանձնահատուկ ուշադրության է
արժանանում Հայաստանի հանրապետության
մշակութային քաղաքականությունը, նրա նա-
խաձեռնությունները հայոց լեզվի պետական
ստատուսի հաստատման, ժողովրդական կրթ-
թության սիստեմի ստեղծման, պետական թան-
գարանի, թատրոնի, համալսարանի հիմնադր-
ման և այլ ուղղություններով: Հետադոտող-
ների ճնշող մեծամասնության հզրակացու-
թյունն այն է, որ հայ մշակույթը XX դ. առա-
ջին տասնամյակներում ապրել է վերածնունդ:
Նրանց հզրակացությունները և շրջանառության
մեջ դրված փաստական նյութը արժանի են
ամենայն ուշադրության: